

太平御覽卷中

楹三

太平御覽卷中

道部

冠 袍 板

即

冠

幘

裘

笏

履

帔

衣

羣

舄

帷

褐

佩

鈴

帳

襦

綬

杖

席

真誥曰有一老人著繡裳戴芙蓉冠倚赤九節杖而立芙蓉冠即禮之爵弁粗欲相似但不知真人以何物作之耳自非已成真不得

冠此

又曰遠遊冠桐柏真人戴此冠女真已笄者亦戴冠惟西王母首戴玉勝又女真未笄者則三環角結或飛雲編結餘髮垂兩肩至腰中也龍冠金精巾虎巾青巾虎文巾金巾此

楹三

天真冠巾之名不詳其制

又曰男真未冠真並飛天交結

道學傳曰王母二玉女侍王母上殿戴太真晨纓之冠履女瓊鳳文舄

又曰孟景翼字輔明義喜構難景翼星夜往

赴經行失道時一人黃衣之冠在其前引路
既得道乃失所在

海空經曰真仙道士並戴此冠披翠帔

太真科曰解褐披絳絹之冠釋巾著遠遊之冠

又曰人皇著七寶珠

上清經曰元始皇上帝大人戴紫耀之冠佩九
色自然之綬

又曰高靈九天建金華七耀之冠

又曰王真九天丈人建飛精百變之冠佩九

元道真之策

又曰上三天玉童建三華寶耀洞天玉冠

四明科曰凡脩上清道經大洞真經入宣之

日當身冠法服

又曰凡女子學上清之法受寶經玉訣脩行

極三

二

太洞皆元君夫人之位入宣之日當冠元君

之服萬真束帶玉童玉女各二十人其掌法

服無此服不得升於上清

洞神經曰受道之人皆玄冠草履

傳授經曰老子去周左慈在魏並葛巾單裙

不著褐

又曰陸先生云對上下接謂之俯仰之格披褐二服也

又曰冠戴二儀衣被四象故謂之法服

道學傳曰西母結大華之髻戴太真晨纓之

冠履玄瓊鳳文之舄

上清變化經云紫映玉霄真王建三華天冠帶交金之鈎

又曰上皇玉靈君建七耀華冠佩丹文紫綬

又曰皇上帝君建七色矢精華冠

又曰太素高虛上極紫皇建七寶冠帶神精
交虬之綬

又曰虛明紫蘭中元高嶧君建三華之冠帶
流金紫章

又曰太素真君建紫晨巾乘青龍紫羽蓋

極三

三

玉珮金璫經曰元始天王披九色離羅之帔
帶寶冠

又曰太帝建七氣朱冠

又曰華山君建六元通神飛冠佩交靈之綬
又曰嵩高君建中元黃晨玉冠佩黃神中皇

之章

又曰玉佩帝君建紫冠

真誥曰上元夫人服赤霜袍披青毛錦裘頭
作三角髻散髮至於腰戴元晨夜月之冠帶
六山火玉之佩腰鳳文琳華太綬執流黃揮

精之劍

上清變化經曰太元真人巾芙蓉冠

上清元錄曰九天元父戴寶天之冠

太上五帝內真經曰青帝君建九元通天冠

又曰赤帝君建三氣玄梁寶冠

又曰白帝君建七氣明光寶冠

又曰黑帝君建五氣玄晨之冠

又曰黃帝君建黃晨通天冠佩黃晨越元之

策帶靈氣紫綬

太上飛行羽經曰九晨君建飛精玉冠衣九

色之鳳帔

又曰元晨君建飛天玉冠衣九龍天衣

又曰蓋晨君建三晨寶冠衣丹錦飛裳

又曰上晨君建玄精玉冠衣玄羽飛裳

又曰華晨君建飛晨寶冠衣青羽飛裳

太上飛行羽經曰靈妃元皇夫人建晨纓寶冠

昇玄經曰仙人定于明者黃褐玄巾

大洞玉訣曰皇初紫元天中真人披朱錦之服巾綠霞之冠

三

山西經曰玉女建白冠

洞神經曰天皇君戴九元冠地皇君戴二晨玉冠執元皇定錄策人皇君戴七色冠執上皇保命玉策

又曰上清瓊宮南極玉真赤帝君建進賢之

冠

又曰北極玉真黑帝君建玄寶之冠西極玉
真白帝君建通天寶冠中極玉真黃帝君建
通元五氣之冠

玉精真訣曰東方九靈真人戴九氣冠南極
真人戴進賢冠衣絳章之衣西方素靈真人
戴二寶玄冠北方玄靈真人戴玄冠中央總
元三靈真人戴黃晨玉冠

玉光八景經曰東元景道君冠七色耀天玉

冠躡九色之履

金根經曰九天元父戴七色珠玉之幘無極
進賢之冠

又曰九天玄母著青寶神光錦繡霜羅九色
之綬戴紫元玄世寶冠

大有經曰玉清之母戴七神朱玉之髻巾無

極三

五

極進賢之冠著玄黃素靈之綬在太極朱宮
又曰九天真女戴玄黃七稱進賢之冠

又曰上清真女戴玉冠著九色之綬居太幽
宮中

又曰太極帝妃冠無極進賢之冠衣五色鳳

文之綬在太清極玄宮中

又曰太上君戴三寶玉冠著九色之綬在無極真宮中

又曰啓明天君冠青精進晨玉冠

太一洞真玄經曰三素老君服錦衣建龍虎

冠

又曰太一公子白元司命桃君五人皆著朱衣絳巾典主符籍在太微紫房宮

登真隱訣曰太玄上丹霞玉女戴紫巾又戴

紫華芙蓉帟及金精巾飛巾虎文巾金巾

黽山元錄曰元始皇一丈人冠九氣紫曜之冠衣九光錦袍佩九色無縫自然之綬帶六山色三在上清之上又帶九天仙鍊之劔衣九色斑文袍常乘十二飛麟帶金虎鳳文之綬

金真玉光經曰元旦小道君曳玄黃之綬建七色玉冠

又曰元景道君衣丹錦之綬戴進賢玉冠乘玄景綠輿參駕鳳凰又太陽上府紫微宮中道君曳絳錦丹綬並戴玉冠躡九色之履執制

魔之章又元景太一君曳玄黃素綬戴七寶
冠執命神之策乘玉輦五采蓋紫雲車駮駕
六龍

又曰桐柏山真人王子喬年甚少整頓非常
建芙蓉冠著朱衣以白珠綴衣縫帶劔多論

楹三

六

金庭山中事言於衆真

太上素靈經曰太上神仙戴飛晨寶冠又戴
青精晨玉冠遊雲寶冠玉精寶冠通天玉寶
冠三玄寶冠上清仙公並建扶華杳霞大冠
道君冠九德之冠

太極左仙公起居注曰太上三天錫仙公芙蓉晨冠

靈飛六甲經曰上清瓊宮東極玉真建九氣通精之冠玉京真人戴通陽玉晨冠少陽真人戴通曜之冠太素三元君建寶琅扶晨羽冠紫素元君建太真晨纓之冠三角髻餘髮散之於腰

太極金書曰元始建洞天之冠上君建青精天玉之冠太真丈人建三寶玉冠二天童建

三華寶曜洞天玉冠

大洞玉經云紫元真人被朱錦之服中綠霞
之冠

五嶽真形圖曰東嶽太山戴倉碧七稱之冠

南嶽衡山戴九丹日精之冠中嶽嵩山冠黃

玉太玄之冠西嶽華山建太初九流之冠北

禮三

七

嶽恒山建太冥靈陰之冠青城丈人戴蓋天
之冠

昇玄經曰昔有仙人豆子明建黃褐玄巾

憤

紫書金根經曰九天元父戴七色珠玉之憤

敷齊經曰正一功曹冠朱陽之幘

帔

太極金書曰元始天帝被九色羅帔丹絳之
裾珠繡霞帔

太極左仙公起居注曰太上三天錫仙公丹

錦繡帔

靈書紫文經曰青童大君衣飛青翠羽龍帔

雌一五老經曰太素三元君服紫氣浮雲錦

帔又紫繡毛帔又鳳文錦帔

無上真人內傳曰九色錦繡華文之帔

太元真人茅君內傳曰繡羽紫帔

九真中經云青玉錦帔絳玉素玉玄玉黃玉
錦帔

又云青華丹蕊玉白琳四出龍帔玄玉九道
雲錦帔黃雲山文錦帔

褐

仙公請問經曰太極真人曰夫學道當潔淨
衣服備巾褐制度名曰道之法服

靈寶真一自然經訣曰至具已得道人披九

光七色法服

靈飛六甲經曰南極玉真著緋羅法服

上清紫宸經曰修七轉之道者上皇君以法服飛仙羽章授之仍戴以紫元飛霜七色之冠

襦

通三

上清經曰高上玉皇衣玉文明光飛雲之襦
龜山元錄曰九天玄母衣霜羅九色之襦又
衣青羅之襦

五嶽真形圖曰五嶽使者服緋襦

三元布經曰紫素元君衣紫錦袂襦白素元

君衣白錦光明之襦

龜山元籙曰九色飛雲錦襦九色自然之襦
玉文明光飛錦之襦九色珠絳雲光錦襦丹
錦七色文光之襦

袍

太極金書曰元始披霜珠之袍

上清經曰三天玉童衣青黃錦袍

五嶽真形圖曰東嶽君服朱光袍

龜山元籙曰有明光飛錦珠袍五色雲羅之
袍七色鳳雲之袍九色斑文月包

茅君內傳曰有赤霜之袍

龜山之裘曰青即赤紫雜和所為青紫之

大洞玉經曰司禁真伯乘日月之輶披虎文之裘

八表經曰白素元君衣黃緣曜光雲文之裘

卷三

五帝內真經曰有玄文明光之裘九色斑裘

龜山元錄曰有雲文丹錦之裘

衣

三道順行經曰玉景真人衣玄雲錦衣

老子歷藏中經曰東父者清陽之氣萬神之

先衣五采衣

龜山元錄曰有明光錦九朱飛文法衣三素
飛文錦衣五色斑衣九色龍衣又有青黃紫
三色羽衣又有九色鳳衣亦有九天鳳衣

珮

大戒經曰太極真人曰凡謹事法服則著冠
冕玉珮

三元布經曰六山大玉之珮

綬

八素經曰太素元君衣流光雲文綬始素元

君衣紫光雲文素綬玄素元君衣飛雲九變
綬紫素元君衣玄黃九色素羅之綬黃素元
君衣飛雲素錦之綬

三元布經云紫素元君交帶靈飛大綬白素
元君珮青林華綬

太上飛行羽經曰九鈴之綬飛靈紫綬六山
飛晨之綬九光之綬

金真玉光經云紫青之綬丹錦之綬絳丹綬
玄黃素綬白文素靈之綬玄靈五色之綬

元始經曰九天玄母帶流蘇紫綬

又曰九元先延紫綬靈飛紫綬交靈素綬九
色自然之綬金虎鳳文之綬

又曰太上九氣命靈之章帶翠羽文靈之綬

板

昇玄經曰太上曰十方奉經真官五帝直事

極三

符童傳言謁者皆冠帶垂纓齊執玉板羅列
鹵簿對我前後左右

笏

昇玄經曰太上勅陵陽監受教稽首而起執
笏戶東面西而立

帑

太上飛行羽經曰上君衣鳳衣斑衣虎帑

太上素靈經曰太上神仙衣青錦單帑青綾

帑雲錦絳章丹帑絳衣飛帑黃雲錦帑

三元布經曰太素三元君服九色龍錦羽帑

紫素元君衣飛霜羅帑

太極左仙公起居注曰太上三天錫仙公緋

羅帑

龜山元籙曰有丹錦飛帑色龍錦羽帑

太上飛行羽經曰七色夜光雲錦帑

九真中經曰蒼華飛羽翬丹華飛羽翬白羽
飛華翬亦有黑羽黃羽飛華翬
又曰翠龍華文飛羽翬朱華鳳翬素羽寫章
翬黑羽龍文翬綠羽鳳華繡翬

鈴

禮三

十一

移度曰南方真皇君垂靈臺相鳳華龍鈴帶虎
書建玄晨之冠飛青錦衣赤丹霞絳輿
龜山元錄曰有玉鈴又有景光明月之鈴
列仙傳曰北元中文道君李慶賓女爲靈昭
夫人著紫錦衣帶佛虎符握流金鈴有兩侍

女侍女年可二十許夫人年可十三四聞呼
一侍女名隱暉侍女皆青絨衣捧赤玉箱二
枚青帶絡之題白玉檢曰太上章一檢曰太
上文夫人帶青玉色綬如世人帶章囊狀隱
章當長五丈許大三四尺

又曰太極有四真人中黃君處其左佩神虎
之符帶流金之鈴執紫毛之節頂金精之中
又曰仙道有紫繡毛帔丹青飛裙翠羽華衣
金鈴青帶曲晨飛蓋御之自飛

杖

龜山元籙曰冬三月三天玉童化爲老人手
把九節杖行洞耀玉清之中

聖紀經曰有老人握青竹杖與老子談天地
之數

赤書玉訣上經曰當取靈山向陽竹令長丈

有七節作神杖使長上下通直甘竹乃佳印
以元始之章動息坐起恒以自隨有五帝直
符吏輔翼上真

茅君傳曰朱官使者把綠節杖瓊干羽旄

又曰太素真人把八景飛杖九色之節出入

上清三天玉童頭連三角黃巾手把九節金杖

節

列仙傳曰太元真人杖紫毛之節紫微玉夫人與一神女俱降神女著雲錦襦上丹下青

卷三

十二

文采相照腰有綠繡帶帶繫平餘小鈴鈴青色黃色更相參廁左帶玉佩佩如人間佩佩但幾小耳衣服條條有光照映室內如日中視雲母也雲髮鬢鬢整頓絕倫髻在頂心垂餘髮至腰指著金環白珠約臂視之年可堪

十三四左右兩侍女其一侍女著朱衣帶青
章囊手中又持一錦囊囊長尺餘以盛書十
餘卷以白玉檢上刻字云玉清神虎內真紫
元丹章其一侍女著青衣捧一白箱以絳帶
絡之箱似象牙箱形二侍女年可堪十七八
整飾非常

又曰裴真人從者侍青毛之節一童帶繡囊
周君從者持黃毛之節無囊二君各有六童
又曰東卿大臣見降侍從七人一人執紫毛
節一人執華幡一名十絕靈幡一人帶綠章

囊三人捧牙相一人握流金鈴侍者並朱衣
東卿形甚少於二弟二弟著青錦繡裙紫毛
帔中芙蓉冠二弟並同來倚立東卿命坐言
語良久時乙丑歲晉興寧三年七月四日降
於楊君之家也

極三

十三

又曰先道有三十七種色之節以給仙人

履

九真中經曰凡學道者勿令人犯屐履行道
尤多禁忌

金真玉光經曰有五色師子之履

玉光八景經曰東北始陽宮牛元景足躡五色履

鳥

龜山元錄曰領仙王奉元始命使資晨纓玉冠鳳雲之鳥給上真仙母又有神雲鳳鳥

列仙傳曰安期先生賣藥海邊時人言千歲翁秦始皇召與語三日夕賜金璧數千萬出於島鄉亭此置去留書以赤玉鳥一量為報曰後千歲求我蓬萊山下始皇即遣使者入海未至蓬萊小山輒風波而還

上真元籙曰九天元父曳神雲鳳鳥帶素雲
之綬

帷帳

神州經曰九河帝君坐玉牀五色帷帳內外
光明玉佩千垂

席

玉佩金璫經曰仙人鄭段者坐玉華之席

太平御覽卷中



